



kat.komp.

14156

III

Mag. St. Dr.

P

*Sienkiewicz Petrus: Plausus et planctus diocesis
Craoviensis — 1700*

PANEG. et VITAE

Polon. Fol.

N^o 199.

BB.

PLAVSVS

ET

1011.

PLANCTUS

DIOECESIS CRACOVIENSIS,

Æternæ Memoræ,

CELSISSIMI olim PRINCIPIS,

Illustrissimi, & Reverendissimi Domini,

D. STANISLAI

IN LVBRANIEC

DAMBSKI,

DEI, & S. Sedis Apostolicæ Gratiâ,

EPISCOPI CRACOVIENSIS,

DVCIS SEVERIÆ,

Almæ Vniuersitatis Cracoviensis

CANCELLARII FAVENTISSIMI,

D V M

In Ecclesia SS. Apostolorum PETRI & PAULI,

Funebri apparatu,

& merentibus omnium animis,

Mortales ejus Exuviae

T V M V L A R E N T V R.

M. PETRO SIENKIEWICZ,

In Alma Vniuersitate Cracoviensi Philosophiæ Doctore.

PAROCHO SVŁOSOWIENSI, &c.

Sepulchrali obsequio,

DEDICATVS.

Anno Domini, 1700. Die 16 Decem.

CRACOVIAE, TYPIS SCHEDELIANIS.

1012 GENTILITIVM STEMMA,
CELSISSIMI olim **PRINCIPIS.**

Magna Arbor & fortis, & proceritas ejus contingens Cælum,
 aspectus illius usq; ad terminos universæ terræ, folia ejus pulcher-
 rima, & fructus ejus nimius, & esca universorum in ea.

Danielis Cap: 4.



BIBLIOTHECA
 JAGELLONICAE

O dilecta Dêis! ô magna Cæsaris Arbor!
 Ne metuas ferrum sacrilegosq; focos;
 Perpetuos sperare licet Tibi frondis honores,
 Non Pompeianæ Te posuère manus.

Martialis Lib: 9.

... quemcunq; requiras
 Hac de Stirpe Virum, certum est de Consule nasci,
 Per Fasces numerantur Avi; semperq; renata,
 Nobilitate virent, & prolem fata sequuntur.

Claudianus.



Perillustri, & Reverendissimo Domino,
D. CONSTANTINO

IN LVBRANIEC

DAMBSKI
SCHOLASTICO VLADISLAVIENSI,
PRÆPOSITO WOYNICIENSI,

Perillustri, & Magnifico Domino,
D. ALBERTO
IN LVBRANIEC

DAMBSKI
CAPITANEO SOCHACZOVIENSI.

&c. &c.

Perillustri, ac Magnifico Domino,
D. MARTINO
SKAŁAWSKI,
MARESCHALCO CVRIÆ CELSISSIMI olim PRIN-
CIPIS, THESAURARIO POSNANIENSI,
Dominis, D: & Benefactoribus Amplissimis.



*Uetus CELSISSIMI olim PRINCIPIS ex hac
vita decessus, non solas anguste Domus DAMBSCI-
ANÆ squalido merore fuscavit Purpuras, sed
nos omnes ferali doloris publici involvit umbrā,
quos adhuc in vita superstes Paterno semper habuit in
affectu. PERILLVSTRES DOMINI. In-
gemimus enim non sine viscerali singultu, ad letalem, Illustrissimi olim,
& Re-*

1014
et Reverendissimi Domini, D. IOANNIS MAŁACHOWSKI,
Episcopi Cracoviensis occasum; cuius Gentilitiam Fasciam, non ita pri-
dem crudeli manu Libitina laceravit, Fasciam inquam vite sue, simul
pressit, ex eaq; pressa, non guttas; sed lachrymarum imbres elicuit. Rur-
sus infandum renovare dolorem et gemebundas iterare Nenas debemus,
ad obitum Celsissimi olim Principis, Illustrissimi, et Reverendissimi Do-
mini, D. STANISLAI in Lubraniec DAMBSKI, Episcopi Craco-
viensis, Ducis Severiæ; cuius Gentilitiam ARBOREM, avara morta-
litas Dea, non tantum viridi foliorum ornamento spoliavit, sed etiam Pa-
rentalibus funestavit Cupressis, ut quantò maiora hilaria in solenni ad Ca-
tbedram ingressu eius sperabantur, tantò acerbior in mæsto ex hac vita
egressu luctus omnibus eveniret. Verum non omnia Mors sub leges vo-
cat atra suas, non omne Sacrum Dea importuna profanat. Virtus Ma-
gni huius in Ecclesia et Repub. Senatoris, etiam post fata triumphat.
Dulce enim ei erat vitam amaram quia mortalem cœu inertem corporis
sarcinam deponere, ut eò citius Capitolium immortalis gloriæ ingrederetur.
Quamvis Gentilitia sua ARBOR invidâ Parcarum forfice præcisa, do-
loso mortis cineri immisceatur; Virorum famæ tamen non amittit; cum
ex hac mortalitatis favilla, præclarus immortalium honorum Phenix, Ec-
clesiæ et Re pub. oriatur. Sacrilegium enim ipsa reputârunt fata, eter-
nitati consecratam DAMBSCIORVM ARBOREM funditus extir-
pare, optimè gnara uno avulso non deficere alium DAMBSCIVM Et
hæc est maxima DAMBSCIORVM felicitas, nullum eo nomine STA-
NISLAI insignitum, mortuum auditum esse. Etiam Celsissimi olim
Principis occasus, vincit et ipsum meridiem; idem illi quod soli evenit.
Nam Princeps Planetarum nescit occidere uni; quin orbi alteri serenius
oriatur. Lucere in occasu vite incipit, non occidere. Etsi enim immanis
Hortulana Mors, voluit excusso per ingenium autumnus viridis rami ap-
paratu, evertere Gentilitiam ARBOREM, nil tamen effecit, Illustre
enim Pinetum, protegere noluit apertum vite humane furem, prodidit
scelestum prædonem, cum Gentilitia ARBOR ipsa spontè exaruit, ut fa-
cilius in Colossus gloriæ et in fulcrum Ecclesiæ et Reipubl. assurgeret.
Non totus mortuus est Celsissimus olim Princeps, perennabit melius illi-
us fama in sui amantibus, quàm in obfirmatis ad omnem maleum ada-
mantibus. Tempestivè opposuerat ante Adventum Domini, morti ad-
venienti Panem Vite. Nam viam vite ingredienti, convenit Panis Vi-
vus. Quid enim melius esuriem suam satiare potuit, quàm frumentum
Electorum. Verè non gustabit mortem in æternum STANISLAUS
olim PRINCEPS, cui immortalis cessit in alimoniam. Ergo refectus
cibo

cibo Spirituali, ne debilis *Atleta* morti appareret, perunctus & initiatus
 oleo Sacro, descendit cum ea in agone vite ipso ad certamen, quo bene con-
 sumato, repositam in regno Celesti obtinuit Coronam Suavius in poste-
 rorum memoria fragrabit Celsissimi olim Principis nomen, mutuata ab
 effuso oleo fragrantia, & qui bonus odor Christi Myrrhaq; in vita fuit,
 dabit & post mortem odorem suavitatis. Sudorem quondam elicit simu-
 lacro Orphei adventus Alexandri, saeculis ipsis suorum recordatio benefi-
 ciorum, lachrymas eliciet. Vbi vel ipsa saxa ad uberrimas provocabun-
 tur, quae non sono testudinis, sed sumptu proprii ararii in menia Ecclesiae
 & Collegij Torunen: Patrum Societatis IESU, erigi fecit, & perfecit;
 Taceant id volumina, loquentur animandi in sui laudem lapides, plus ei tot
 erectae moles debebunt, quam saxeus Memnon soli, tamdiu personando eius
 famam, quamdiu illud durabit marmor. Et certe Vigilantissimus Pastor,
 STANISLAVS DAMBSKI, qui ut melius oves suas in loco pascuae
 collocaret cperimenta errantibus providit, quas famelicas in Xenodochijs
 sepius sustentabat O atroces Novembris Calendae! o lugubris feria! o
 dies Adventus atrii! quibus non amoenus viret floret Gentilitia GO-
 DZIEMBARVM ARBOR; sed pullato colore squalet. Iustum pro-
 inde est ut Iubilum non lessum, ad iussa eius occinat Dioecesis Cracoviensis,
 dum Sacro Iubilei tempore, in medio Gratiarum Divi Tutelarum sui, &
 Divi IOANNIS CANTII nomen sepe invocando, dissolvi mortale
 corpus suum petijt, ut citius cum Sanctis immortalis viveret in Celis.
 Sed cessit iam suis encomijs Oratorum facundia; ubi facundiozem incipit
 aeternitas Lancinat primo cor Vestrum Reverendissime D. CONSTAN-
 TINE SCHOLASTICE Vladislaviensis & Perillustri Domine AL-
 BERTE DAMBSKI, CAPIIANEE Sochaczoviensis, Celsissimi
 olim Principis luctuosus occasus, cuius solatijs & gratissimo conspectu de-
 situti esis; sed quo vivum obstrinxistis eo affectu vitam functum cum Am-
 plissima Domo Vestra prosequamini. Absiste Tu quoniam a gemitibus per
 laceratas mentium fibras deductis Perillustri Domine, D. MARTI-
 NE SKALAWSKI, Mareschalce Curiae Celsissimi olim Principis, non
 obiit enim, sed abiit in regionem longinquam cordis tui delictum, Illustrissi-
 mus olim, & Reverendiss: Dominus ANGISTES, sed Te sicut in vita sin-
 cerissimum Achatem habuit; ita & post mortem victurae gloriae & ulti-
 mae voluntatis suae fidelissimum Possessorem reliquit. Totam demum obitu
 suo pullatam Dioecesim Cracoviensem & Cathedram alloquitur in Te, Illu-
 strissime, & Reverendissime Domine, D. CASIMIRE Lubna LV-
 BIENSKI, Suffraganee Nominatae, Canonice, Vicarie in Spiritualibus
 & Officialis, Sede Vacante Episcopatus Cracoviensis & Ducatus Severiensis

1016
2109
Generalis Administrator, in Te inquam cœu in Atlantem Hercules totius
Dioecesis Cracovien: molem deposuit; ut post mortem Celsissimi olim
Principis, tuâ insigni prudentiâ, dexteritate, consilio, eandem sustentēs,
regas, & protegas. Ergo ut Mars ex acie, sic Mors è Palatio Celsis-
simum olim Principem rapuit minime? frustra vanos consumimus gemitus;
& irritis doloribus causas doloris irritamus omnes. Parentent lachryma-
his, quibus omnia tristi depereunt letho, Illustrissimus olim ANTISTES,
Primâ Dominicâ Adventûs; quâ Rorate Matutinum intonat Ecclesia,
ultimam eternitatis viam ingressus est, ut vitali perpetuæ benedictionis
rore febrium & morborum ardore exustus irroratus fieret. Tempestivè
venturo Domino obviavit, ut primus Principem & Regem Celi terræq; &
Dominum Dominantium in Celis salutaret & adoraret CELSISSIMVS
olim PRINCEPS, & EPISCOPVS Cracoviensis STANISLAVS.

Perillustum Dominationum Vestrarum,

Cliens obsequentissimus,

M. PETRVS SIENKIEWICZ,

in Alma Vniversitate Cracoviensi Philosophiæ Doctor,
Parachus Sulisoviensis.



8101/017

Ecunda Heroum Parens,
Dulce natale Polonorum solum.

Soli quia Supremæ Polorum Sedi,

semper vicinum est.

Quamvis enim ad Hyperboream Arcton;
quò immanius glaciali inertis brumæ cœu Plutonis cōpede prematur;
eò amænius tamen æmulis Elysio Chloridis opibus,
aureisq; viridium arborum ramis, Cælestem Alcinoum ornat.

CrySTALLINO NEPTUNI REGNO;

etsi undiq; perfundatur:

nec tamen vasto suo fundo, Scyllæos inter fremitus,
avidamq; Charybdim, Vniones absorptos æstimat:

immò pretiosiores Erythræis Vni Negociatori
quærenti bonas margaritas præsentat.

Alto Carpathi montis vertice Sidera feriat,

tantò tamen Viciniùs cælo assurgit;

quantò Cedris immortalibus in Viris Divinissimis,

Libanum Phœnicie, Sanctis Sinai Arabia Sancitis,

in Divæ Themidis Mystis,

Montem Sion, non Regum Iudæ;

sed Potentissimorum Polonia Monarcharum imperio antecellit.

Ergò

Assurgite & Vos altiùs Vavellini montis Oreades,

in cuius auge

GENTILITIA DAMBSCIORVM ARBOR

augusto CORONARUM TERNIONE

coronata revirescit;

à qua nova; quia meliora omnis felicitatis

quàm olim Dodonæo querceto gaudia,

Dioecesis Cracoviensis sumit, & adorat.

Nimirum

B

Sacer

Sacer hic mons,

in terra fixit basim, polorum tamen accedit viciniae;

quia non Roscam, ut olim Hymettus;

non gemmeam, ut Romae Palatinus;

sed purpuream Coronam, in D. Tutelare Tuo,

ad Solennem ingressum offert,

CELSISSIME PRINCEPS.

Et certè Hortus Conclusus Mons Vavel,

in quo extra Hesperidum aureos, vel Semiramidis penfiles,

etiam excelsæ **DAMBSCIORVM ARBORES,**

jam à multis annis,

quò magis vitali refertæ vigore,

eò Cælestium Gratiarum recreatæ virore, pullularunt.

Maçte animo,

Illustrissime, & Reverendissime D. ANTISTES,

liceat etiam Tibi ascendere Montem hunc;

ut GENTILITIA TUA ARBOR,

turbulentis molestiarum

& laborum in Republica cœu Eoli ventis agitata,

à Sole iustitiæ, eò citius beneficos Gratiarum radios mutuetur.

Prosperè procede ad fastigium montis huius;

ut glorioso **D. STANISLAI** Tui Patroni nomine,

floridoq; Tuæ **ARBORIS** virore,

amoëna Diæcesi huic, extra Thessaliam instaures Tempc.

Iam proinde æternitati Tuam inservisti famam;

ubi illam Pontificali Sanguine resperæ consignasti petræ.

Immarcescibilis Gentilitiæ Tuæ **ARBORIS** erit viror;

cujus fundamentum erit solida **D. STANISLAI** rupes.

Sublimis Vavel, non est mons iræ; sed gratiæ,

quot enim lapillos in Saxea molle sua numeravit,

tot Tibi pretiosa ad immortalis gloriæ coronam servavit monilla;

ut exinde prodires Summus, & Tiarâ coronatus.

Non invidemus potenti Epiro Dodonæum lucum,

folia

sola tantum superstitionis caligine clarum,
ex quo vocales arbores prodierunt.

Gentilitia Tua ARBOR, à Boleslao Crivousto,

Monarcha olim Poloniae Serenissimo, accepto virore,
nunquam pestem sterilitatis Aquilonarem in ramis suis sensit,
ex quibus Respubl: Polona, Caduceos Mercurij,

Ducales clavas, dedolabat, & hodiè Te
Celsissime PRINCEPS Scipionem alterū habet.

*Canat sub tegmine fagi Mantuanus Vates
Bucolica Tytiri,*

sub Gentilitia Tua ARBORE,
prima gloriosaq; Majorum Tuorum semina,
Marones & Pericles Lechia facundi deprædicant;
quæ in fructus dignos, totâ Prosapiâ protuberarunt.

Etenim

*non solet arbor bona, malos proferre fructus,
Insitum est Hesperidum hortis aurea producere poma;
sicut Iovis avibus, genuinum aquilarum partum, ad lucem comprobare.*

E magna domo quidni magnum?

ubi & Tibi Celsissime PRINCEPS,

non umbratilem Lucinam aspicere concessum;
& ut facilius ad Suprema honorum procederes fastigia,
calcar & stimulum dederunt,
non obscura Antecessorum Tuorum lumina.

Sed

prout difficile est Phœbi emergentis ortum occasumq; scrutari;
ita Musarū Cultoribus arduū, Majorū Tuorum Centurias producere;
quia nec Oceanus Isthmo, nec paginae angustijs,
totius Domūs Tuæ inclytæ laus benè continetur.

Ergo

tamen ex Tuis Te Majoribus adorabimus Magnū,

Nam.

& ingentia flumina in suis fontibus facilius coronantur.

Primus in laudes suas Senatum Apollinis & Musarum movet,

B2

totius

totius DAMBSCIANÆ Domûs Autor GODŹIEMBA;

1020 qui in acie Martis pugnando detrusus equo,
omnibus armis destitutus; ne clade suâ elatus hostis
in Campis Lechicis Victoriæ palmam plantaret,
arreptâ pini arbore, cœu Hercules clavâ
monstra hostium omnium fugavit.

Nimirum

Sicut ex ungue leonem, & pollice Gygantem cognoscimus;
ita vel ex unico magnanimo Heroe,
familiæ amplitudinem licet conjectare.

Verum

quis benè attingere potest brevi calamo
amplissima DAMBSCIORVM decora?
guttam quidem Oceano, minutissimam arenam Olympo subijcio.

Etenim,

terum hîc fasti & Iliades, cùm quilibet hic Achilles suum Homerum poscit.

Iam intra orbem æternitatis clausit Spiritum Heroicum,

Illustrissimus olim, & Excellentissimus Dominus,

VINCENTIVS à LVBRANIEC,

Palatinus Poseniensis,

qui toties saluti Reipub: proprium propinavit cruorem,

quoties eum publicis expeditionibus objecit:

ut in eo hostes mergeret ad interritum,

ipso emergeret ad honorem;

cujus ut participes; ita & hæredes reliquit binos filios,

Vnum Procancellarium Regni,

Consum prudentissimum,

alterum Palatinum Brestensem,

Hectorem Sarmatiæ fortissimum,

in novem filijs Subsidium Patriæ semper ferentem,

qui Moschovitici, Livonicis, Svecicis bellis insignes,

Duces, & Antesignani semper fuerunt;

quorum

2501 1021.
quorum angusta facta vix unquam adæquare,
ita nec angusta pagina, benè comprehendere potest:

Vocalis fama buccinat super æthera,
Illustrissimū olim, & Reverendissimū Dominum,
MARTINVM LVBRANSKI,
Episcopum Posnaniensem, & Vladislaviensem;
qui nomine suo liberalissimus, & Patriæ deditissimus semper fuit,
exemplo Tutelarī sui non solum vestimenti;
sed etiam & auri prodigus erat.

Quinquaginta septem Ecclesias fundavit,
cum proventibus munificis,
plurima Monasteria, Xenodochia erexit,
venas auri, subministrando alacriter;
ut haberet, quibus languida egenorum salus restauraretur.
Nec breves dedignantur paginas,
qui majores omnibus laudibus fuere,

zelantissimi pro Domo DEI Pastores,
Illustrissimi olim, & Reverendissimi Domini,
ANDREAS GODZIEMBA, IOANNES,
MARTINVS, GREGORIUS,
à Lubraniec Episcopi Posnanienses,
Vladislavienses, & Płocenses;

quorum Sanctimonia, pietas, ad cælos ipsos usq; pertingit.

Grave sepulchri marmor,
sed gravius Magnorum in Repub: Senatorum nomen,
omnium Oratorum calamos, in sui encomium movet,
qui etsi sepulchrali clausi tumbâ, vocali tamen famæ tubâ,
virtutem, & dexteritatem eorum, tota deprædicat Polonia,
Illustrissimorū olim, & Excellentissimorū DD:
STANISLAI à Lubraniec Procācellarij Regni,
ADAMI Słonimensis, Becensis, Lanciciensis,
Conariensis, Castellanorum,

qui non tantum armis conferere,
cum hoste in Sago;

sed etiam in Toga differere benè de Repub: didicerant.

Fastis cælorum immortalibus etsi transcripserit nomen suum,

Perillustris olim, & Reverendissimus Dominus,

L V C A S D A M B S K I,

Eccl: Cathedralis Crac: CANONICVS,

tamen in Cymmerijs fatorum umbris,

perennis famæ iubar accendit.

In cujus encomium aurum non atramentum effunde calame;

ubi ad auream dexteræ liberalis venam procedendum est.

Sed

annus in munere munificentiae suæ pennam detineret,
si per omnes largitiones quæ propriæ illi fuere, veller contendere.

Nullus ab eo viator, vacuus recessit,

qui se onere munificentiae oberratum non sensisset.

In egeno pauperem sibi Christum existimando semper,

sterilia divitiarum suarum semina;

ut faceret fructifera in manus pauperum disperfit,

quæ in perennem totius DAMBSCIANÆ Domûs centies
exercuere adorem.

Hæc omnia profutura, in cælis opinatus;

quæcunq; inter egenos in terris expendisset.

Innatum hunc benè faciendi affectum habuit,

ab Illustrissimo olim, & Reverendissimo Domino,

MARTINO LVBRANSKI,

Episcopo Vladislaviensi, & Poseniensi,

dùm præter alia varijs personis præstita munificentiae monumenta,

Ecclesijs, Sacrisq; aris, sexaginta pyxides aureas, argenteas,

Monstratoria donavit decem.

Debet suam majestatem ejus liberalitate erecta

in Ecclesia S. MICHAELIS Crac: Capella;

quam foundationibus, dotationibus

proventibus annuis donavit, & ditavit.

Magnum

Magnū erga Peraugustū Capitulū Crac: amorem
tacere nemo potest, cui in Censum perpetuum,
Centum millia florenorum inscribit.

Testantur illi lapides Sacri, arbores incorruptibiles,
ab eo cēu à novo Amphione, non sono testudinis;
sed sumptu proprij ærarij in mænia Ecclesiæ Kruszyneſis
erectæ, quæ hucusq; in Colossū gloriæ perennem assurgunt,
& Cedrum famæ immarcescibilem excrescunt.

Reliquam Virtutum suarum seriem,
tenui calamo comprehendere impossibile,
quibus pro pagina cælum, pro atramento Oceanus vix satis est.
Dulce enim est delectari, his præclaris factis,

Phœbi Musarumq; Cultoribus,
sed dulcius ea repetere,
in Magnifico olim, ac Generoso Domino,
IOSEPHO VLADISLAO DAMBSKI,

cujus magnum nomen etsi concluderet cælum,
ducit tamen in obsequium honori suo vectigalem calamum,
pedissequa immortalis gloriæ centum linguis iactabunda fama.

Profectò

Heros hic magnanimus, Roma parē si habuisset,
Curtios, Horatios, Decios postposuisset,
Parum erat Polono huic Alcidæ,

inaccessos Carpathi montes transgredi;
nisi etiam Panonicam transisset Calpen,

Nam quòcunq; movit pedem;
ubiq; illi triumphales crescebant laureæ,
præsertim in illis Saxosis locis;
ubi pampineæ magis vernant coronæ,
quam palmares adoreæ.

Non hæsit ad Viennam dexteritas ejus,
Nam meticulosi animi est semel in vita currere pro laurea,
& semper deinceps sub umbra eius respirare,

1024
2201
ubiq; illum non Fabium Cunctatorem,
sed promptum Scævola vidit Patria,
pro cuius integritate pectus proprium objecerat hosti,
nullo quassabile ferro.

Virtutem heroicam Univerſa hucusq; deprædicat Polonia;
cùm more modoq;

Illustrissimi, & Excellentissimi Domini,
IOSEPHI SLVSZKA,
Lithvaniæ Exercituū Campi Ducis Magnanimi,
quoties in campum Bellonæ cruentum descenderat,
toties ex hoste Victor triumphaverat.

Quantum huius herois apud alios Bellatores pretium fuerat,
qui maluit vigore corporis destitui;
quàm illâ agendi dexteritate cum illis simul non vigere.

Sed eheu!

dùm ei immortalem honoris ulterioris Coronam,
Patrianectere voluerit,
fæva Lachesis, fatalem vitæ suæ inservit coronidem, & Cupressum,
adeò; ut tota inclyta DAMBSCIANA Domus,
in lugubres Helliades conversa,
tristes Præficarum nœnias occinere debuerit.

Ast

*nunquam is mori nequit, cui vitam perennem
barbarice peperere mortes.*

*Non ita enim cecidit hic Magnanimus Vir;
ut dolorẽ inferat DAMBSCIANÆ Familiæ,
hostium enim lachrymas quos debellaverat;
non Civium quos amaverat meruit.*

Ominatur hucusq; Patria ex Sanguine ejus
in acie Martis effuso; cœu ex auroræ purpura,
suæ diem serenitatis.

Nam heroum fortissimus, post superatum hostium Martem;

etiam

etiam de morte triumphans, Cæleste Capitolium ingressus est.

Ergò

1025

securus gloriæ nepos est tuus,
Illustrissime, & Excellentissime Domine,
SIGISMUNDE DAMBSKI,
Palatine Vladislaviensis, &c.

cujus memorem etiam post fata habet Te,

Patrum Amantissimum,

nullibi melius respirat, quàm in Tuo gratissimo animo,
in Te enim purpuram Senatoriam,

& augem illam magnorum in Repub: honorum videt,
ad quam cruentis Martis passibus properasti.

Dedit Tibi album calculum, magnitudo animi verè heroica
ad eam capeffendam,

quam non de fulvo Phryxi vellere prætiosus murex;

sed profligatæ Cynthiæ Othomanicæ pudor,

geminans ruborem colorabat.

Quercus alij non robora deducunt in atria,

Nam ad rigidi Aquilonis flatus,

cum folijs amittunt vultum.

Viror immarcescibilis Gentilitiam colorat Arborem
quæ vivacem gerit medullam in obsequijs Reipub:
sensere toties pallantes Scythæ

Scitam Palatini in pugnando dexteritatem, & dexteram,
è quorum capitibus Capitolium gloriæ immortalis erexisti,

& quoties arma induisti,

toties spolijs, viribus barbaros exuisti,

Quodsi Esculapium agræ Patriæ agere volueris,
præter virium, sani Consilij remedia adhibere debueris;

Quia

plurima in magna fortuna, melius consilijs quam armis geruntur,
Non frustra Gentilitiâ Arborē Dambscij deduxere in Ceras nobiles;
ut semper virides ramos,

tàm fascibus Regum & Principum honorarijs;

D

quam

1026
2501
quàm Senatorum curulibus exstruendis, sustineret;
Nimirum ARBOR hæc Gentilitia,
confanguinitatis, & honoris in Repub: maximi est;
quæcunq; enim in Regno Poloniæ augustas domos decora exornant,
omnia affiguntur huic Arbori,
sub tegmine ejus securi quievire,
illi Illustrissimi Principes RADIVILI,
Gentilitiæ Tubæ sono, ad Mæstem heroës Polonos excitantes,
OPALINII, Gentilitiam Navem,
per sævos Neptuni Asiatici fluctus,
ad fortunatas pacis insulas dirigentes,
DZIAŁYNSCII, Sagittâ hostes Patriæ
gravius; quàm Telephi hastâ perfodientes.
DEMBINSII, PRZYIEMSCII, in Heroide sua,
supra omnes Camillas, virile robur spirantes,
POTOCII, pro Cruce Domini,
cum Cruce Gentilitia pugnantes, Vincentesve,
TARNOVII in Gentilitio cœu olim laureato Marij vomere,
laurum Victoriæ ferentes,
LUBINSII, in armato Gentilitij Bifontis Capite
Capitolium gloriæ immortalis, Præsuleiq; honoris erigentes,
ZYDOWSCII, odorem famæ & virtutis per orbem Polonum;
in Gentilitia ROSA spargentes.
WĘGLINSII, Castellani Sandomirienses,
PANIEWSII, Duces Hungariæ, & Poloniæ Supremi,
PIGŁOWSCII, & alij innumeri quorum laudibus
non in nucleo Homeri Ilias;
sed tota Sibillæ folia parum essent.

Verum

& Tibi amplissimus patefcit gloriæ campus
Perillustris, & Reverendissime Domine,
D. CONSTANTINE DAMBSKI,
Scholastice Vladislaviensis, &c.

Vera

Vera Paternæ Virtutis effigies, ²¹²²
magnæ probitatis exemplar, omnis eruditionis compendium,
Multum habuit Lechicus orbis,
ex Illustrissimo Parente Tuo,
plus ex Te habet; dùm non tantùm
eius incedis vestigijs, sed eum vitæ integritate,
Sanctimoniâ, pierate, autoritate Superas.

Ergò

cùm talis tantusq; sis,
mea hæc Venerabunda penna, sub molle laudum Tuarum fatiscit,
non scribit tamen periodum;

quia initiales præconiorum Myriades congerit Tibi

CELSISSIME PRINCEPS,

Illustrissime, & Reverendissime D. ANTISTES.

Nimirum ex ipso Senatorio STANISLAI Nomine,

honorum omina Tibi proveniebant,

tantūq; ab illo in titulos excelsiores, & Venerationē promovebaris;
quantum ab Illustrissimi Sanguinis calculo.

Fuerit satis ijs quos ipse purpuræ rubor erubescit,
è fascijs infantilibus in honorū augem, & Senatorū subselia evolvi,

vel per amplissimi Sanguinis Erythræum

ad aureæ felicitatis Chersonesum enatare

quasi cunæ, & curules, fasciæ, & fasces,

vocabulis tantum, non votis & suffragijs differrent:

idemq; esset nasci, & nosci Principem,

vittas capere quod & vitam.

Tu Illustrissime, & Reverendissime Domine

ANTISTES,

noluisti Principem è cunis agere;

ut arcano excelsæ indolis tuæ ad maximos honores,

statim natæ, omnes honorum avidos doceres,

angustius eas fulgere purpuras,

quas robur mentum, & fulgor meritum,

non rubor, & decor Sanguinis accepit,

*tantòq; decentius & cum maiori hanore,
illorum caput coronat *Asitra*,
quod sub magnis Reipub: & Ecclesie honoribus non nutavit.*

Proinde

vix Te tenerioribus annis maturior exemit ætas;
illicò Cecropias Minervæ arces adiisti,
Nec longo temporis tractu studia tractasti,
quia ut Phœbo splendor, auro pretium,
Sic cuiq; DAMBSCIO innascitur semper scientia & probitas.
Ludere in ludo literario elegisti;
ut scires prius in Apollinis acie,
quàm in augusta Iovis Poloni facie desudare.
Laborioso doctæ Palladis otio, magnæ Spei Alumnus,
quàm amplissimo Reipub: negotio, futurus eiusdem Senator,
annos & tempus devovisti.

Sed

angustum erga magnæ indoli Tuæ cælum Patrium,
augustas alieni soli oras vertere,
magnorum cultura est animorum.
Ita & Tu CELSISSIME PRINCEPS,
postquam sub Chironibus privatis,
prima in literis vitæ initia solidaveris;
ne nativum Virtutis splendorem obscurares,
publicum alieni orbis solem irretortâ palpebrâ aspexeras:

Non ignarus

*quia clariùs emicat Iason inter Colchos
minùs inter privatos Thessaliæ parietes
sic & Tibi faciliùs extra, alienas virtutes nancisci,
quàm cum illis, inter lares domesticos nasci*
vix enim Liligero Galliæ regno floridam ætatem intulisti,
statim odorem & candorem Virtutum,
melius uberrimum Scientiarum fructum
cœu ex aureo Hesperidum horto reportasti.
Tandem ex Gallia tendere debueras,
per tot discrimina rerum in Latium,
illud inquam Sanctitatis, & pietatis Viridarium Romam,
quam

quam parem capacitati suæ Urbem nactus,
omnia eius decora collegeris adeò
ut haberet spectaculis, & triumphis addictissima Vrbs,
quid in Tuo animo miraretur.

Ergò

ex Italia in Germaniam perrexeras, in qua
dum multi eruditam ingenijs limam quærunt, ut niteant Sapientiâ,
limo innocentem vitam & mores obfuscant
cùm habitu brevi patrios abbreviant.

In Te Cellissime PRINCEPS,

par zelo animi & Sapientiæ nitor, effullerat semper,
adeò ut vel hoc solo, lucem majorem in illo occasu augere posses.

Sed

redijssti cœu Titan Polono tandem vicinior polo,
à Te enim expectaverat Patria meridiem solatij prosperum,

*Nam sæpè mores candidos infusant Soles exteri,
& Ceris illustrissimis, fumum vanæ gloriæ locò lucis appingunt.*

Moveras exinde maturos passus cum matura virtute,
in natale solum, ubi promptos

& cuivis honori pares Spiritus exprompsisti.

Et ne futurus Reipub: Polonæ Senator,
à Majestate Regum alienus esses.

Ad Solem properasti Serenissimum olim,

IOANNEM TERTIVM,

Regem Poloniæ Invictissimum,

quia genuinus Aquilæ Polonæ pullus eras;
ubi non perstrinxerat aspectum Tuum augusta Serenitas,
quia & Tu in Aquilarum nido natus es.

Etsi enim multis nubilus fulgor videtur,

qui Reges sequuntur,

Tibi in aula Serenissimi olim Regis facile mereri præconium,

ubi alijs intrasse erat periculum;

quod ut facilius potuisses evitare,

non Ajacis; sed Potentissimi olim Monarchæ Poloni

Gentilitio clypeo Te protexeras.

E

Tandem

1030 Tandem ex Serenissimi Regis Poloniæ polo,
accepto Votorum lumine, cœu novus Prometheus,
abiveras ad illam auspicatam Diœcesis Luceorientis lucem,
ubi in primo Tuo adventu templa & aræ,
melius à Tua Virtute; quàm à suis lucebant ignibus:

Vix enim Luceorientē Cathedrā ingressus fueras,
illicò Sponsam illam Virtutibus & exemplari Vitâ,
cœu gemmis pretiosis adornasti.

Princeps Sacrorum in illa Diœcesi, ut appareres melius,
indueras animo Patrem, vigilantiam Pastorem, regimine Antistitem,
plenum gratiâ & Virtute.

Sed

*occurrunt sæpè adversa ut Achillem & Hectora monstrent,
Scipionem tamen vel Herculem contra hæc agere,
maius est; quàm Atlantes Mauritanie supergredi.
quia non provocant imbellem Adonidem, adversæ rerum vices;
sed Scævolam magnanimum;*

qualem Te cùm in animo invenerunt,
statim dexteritati Tuæ cessere, Schismaticæ Harpiæ,
ubi Te viso, cœu ad revelatam Persei parmam obriguere,
Ovile illud Tuum, quo Schisma vel hæresis,
fide Deo fractâ, infernalibus cœu Lumenidum odijs dissipare voluit,
cùm conjuratis armorum procellis in Serenissimum Sponsæ caput
detonuisset,

sed necquidquam nocuere illi Aquilæ fulmina,
fulguribus etiam uti sole delectata fuerat;
pro qua Tu plenum pietate, zelo, Sanctitate,
pectus objecisti, vel ideò

ne amplissima Diœcesis illa,
supra firmam fidei Romanæ petram benè fundata,
in stabilitate sua haud unquam nutaret.

Verum

etiamne Te hic altum, in Sede Luceorienti Venerabantur omnes?
majorem in dies speraverunt?

Ipsæ enim honor, animum ad altiora tollebat,

ad subli-

ad sublimiora Te evecturus fastigia,
ultra Te excelsiorem videre ambiebat,
ut Præfuleâ Tiarâ in sublimiori Plocensis Cathedræ Sede
coronatus magis ac magis emineres.

Debet Tibi felicitatem suam Cathedra illa,

quod Te summæ pietatis cœu alterum Aaronem,
vigilantissimum Argum, charitatis officio,

IOANNEM Eleemosinarium,
miræ propensionis habuerat Sponsum.

*Decor enim Sponsæ non alius, & corona prætiosior nulla est;
quàm Tiarati pietas, & Sanctimonia Sponsi.*

Profectò

decrefcere Summum bonum non potest,
nec virtuti retrò ire licet.

sed in alias atq; alias qualitates conversa ad rerum quas actura est,
habitum figurata, altiùs conscendit.

Fortunatissimo gradu quia virtutis instinctu
ivisti, ad Vladislaviensis Cathedræ Sedem,

& quia alijs summa fuere, hæc virtuti Tuæ debita sub Te eminuere.

*Et quoniam sublime honoris culmen rarò in meliores,
sæpè in peiores mutat hominum mores, & mentes.*

sed Cellissime PRINCEPS,

animus Tuus stabilis firmusq;

è centro virtutis immobilis nunquam variabatur;

Etenim

postquam suscepas illud onus Episcopatus Vladislaviensis,

quod Angelicis humeris formidandum est,

statim indemnitati ovium Tuarum perspexeras,

Lyncemq; perspicacissimum egeras,

ne rapaces lupi, illud ovile Tuum vastarent,

Agnovit Te vigilantissimū Diœcesis illa Pastorē,

cùm militantes non Marti sed Bacho furiarum Alumnos,

procul ab ovili Tuo fugare didiceras.

præsertim illos confæderatos, qui rigatas Colonorū fruges triturâtes,
quæulas miserorum linguas obturaverant toties,

quoties pro domo suo non perorare sed exorare voluerant.

1032

Si enim olim Isthmicos Triumphatores
coronabat pinus viridis,
Gentilitia Tua etiā ARBOR, omnes adornabat Poloniae Proceres,
praesertim in illo augusto Electionis negotio,
sub cuius tegmine, dissensionum fulmina sensere nulla,
quoties hæc ARBOR obtulerat eis pacificas Votorum laureas,
Immò

Dodonæâ silvâ deductam existimârunt prudentissimi Consi,
cujus ramis nobiles insedere alites,
& plausu vocalissimo toti nobilissimo consessui narrârunt,
quod eam arborem nacti fuerant,
quæ Gentilitiâ Poloniae Aquilâ non solùm fovere,
sed etiam suâ extollere amplitudine novit.

Canit hucusq; triumphale Io fama Lechica,
sub ARBORE DAMBSCIANA,
cùm sub tempus Electionis,

decumanis discordiarum fluctibus Patriam eripiebat,
secundasq; porrigebat tabulas; ubi alij fluctuabant.
Placuerat illibatus animi Tuicandor omnibus.
dùm Tu prudentissimus Reipub: Senator,

Delphis Sensem Veriorem expresseras
& unanimi omnium consensu, Tuo imprimis ore Varaviae,
in illa Electione Serenissimum Saxoniae DUCEM,
AVGVSTVM SECVNDVM,
REGEM Poloniae Invictissimum, proclamaveras,
Approbare Tuum consilium, Phæbade omni certius,
omnes inclyti Sarmatiae Proceres;
quibus semper promptissimam offerebas eloquentiam;
& quoties de futuro Poloniae Monarcha tractandum erat,
tractasti ut fidelissimus Senator,
si resistendum fallaciæ, resistebas ut AVGVSTVS,
si favendum veritati, favebas ut Aristides,

mentem

mentem ab illicitis privato commodo lenocinantibus,
ut dulcibus Calimachorum sub antidoto venenis,
puram semper habuisti.

1033
ACO1

cui nec aurea tempestas nubem obtendere potuit.

Obriguere alij in Saxum ad felicem adventum,

Serenissimi Ducis Saxoniae,

REGIS Poloniae Invictissimi,

Tu CELSISSIME PRINCEPS,

Phæbades non quaesivisti;

cum non vano ominabaris augurio,

praesertim in illo Solenni Coronationis Actu;

quia Serenissimus & Potentissimus Poloniae REX,

à Te Coronatus, è tam nobili Silice

Mucrone Gentilitio ignes Martis ad comburendos hostium acervos,
triumphales Patriae, fatales Otthomano excitabit.

Ergò

post tot exantlatos labores

CELSISSIME PRINCEPS,

interquiesce tantisper ab ingenti quam cum principali paludamento

bono Ecclesiae induisti curarum Reipub: mole,

Procede potius hac purpurata uti Senatorij Sanguinis;

ita & meritorum Tuorum semitam,

ad hoc Ducalis, Episcopalis honoris augustale.

Submitte jam pridem infulatum caput Tuum Mitrae;

ut melius sub optatissima tot aestuantium

in Te Votorum umbra consistas.

Etenim non uni caput aptum Tuum circumfers honorum coronamento;

quod Virtutibus in immensum auxisti.

In Tiarato capite Tuo suus & Mitrae Ducali debet esse locus,

ut meritis Tuis in Tiara amplissimis,

accedat Principale decus,

Celsitudinem Virtutum Tuarum coronaturum,

Sublatam ab Aquila Mitram Tarquinius olim ingemuerit,

etsi postea in Capitolio Romano restitutam;

F

Tibi

8801
1034
Tibi Celsissime PRINCEPS,

hoc Aquilæ Polonæ munus,
extra gemitum capiti Tuo impositum est; vel ideò;
ut Te Mitrato, ales Regius nidum suum,
non turbidis dissensionum procellis, sed pace, &
tranquilidade melius componeret.

Compensant in Te STANISLAO, Celsissime PRINCEPS,
Serenissimi Regis Nostri favores;
quidquid in D. STANISLAVM Boleslai Audacis olim
temeritas peccavit.

Proinde felicia adsunt tempora; ut

Tu Celsissime PRINCEPS,

ex templo laboris, procedas ad templum honoris;
quod Tibi in Gentilitia ARBORE construxisti,
dedistiq; eandem Peraugusto Capitulo Cracoviensi,
in Colossum gloriæ, vel in fulcrum exedræ,

Ingredere feliciter quintâ jam vice Infulati honoris theatrum,
in quo Cardinalitas in MACIE IOVIO, RADIVILO, OLESNICIO

CAROLO FERDINANDO Purpuras,
TRZEBICIOS sublimè Cigni nomen post fata ad sidera ferentes
GEMBICIOS, MAŁACHOVIOS, in Gētilitiæ Fasciæ peripheria
totam claudentes æternitatem,

& aliorum Antecessorum Tuorum splendidissima decora videbis.

En Tibi Regiæ, Metropolis, & Cathedræ Tuæ
cum Vniverso Diœcesis Clero Sponsa occurrit,
Peraugusti Capituli Crac; triplici diademate coronata,
ut sub Gentilitia Tua ARBORE, suum reclinet caput.

Tu tantummodo Vavelli hujus Præses Dive Martyr,
fave Successori Tuo;

ut Sanctâ intercessione Tuâ,

Pastor pro grege,

Antistes pro Ecclesiæ lege,

Senator pro Repub: & Rege zelosus,

quàm diutissimè vivat,

EPISCOPVS CRACOVIENSIS

STANISLAVS.



CC

Biblioteka Jagiellońska



stdr0006926

